



## Kantonalno tužilaštvo u Sarajevu

# PREDLOŽEN PRITVOR ZA UHAPŠENE U AKCIJI LIPSTICK

**Za Kurtovića i Nargalića pritvor zatražen zbog sumnje da bi boravkom na slobodi mogli da pobjegnu, utiču na svjedoke i istragu, te zbog uznemirenja javnosti • Za trećeosumnjčenu zatražene mjere zabrane**

Samir Kurtović, Omer Nargalić i Melisa Š, koji su prethodno uhapšeni u akciji Lipstick, saslušani su jučer u sarajevskom Kantonalnom tužilaštvu, koje je uputilo prijedlog za određivanjem jednomjesečnog pritvora Kantonalnom sudu u Sarajevu. Sjednica na kojoj će Tužilaštvo i odbrana iznijeti svoje argumente bit će održana danas.

### Ponavljanje djela

Tužilaštvo je za Kurtovića i Nargalića zatražilo određivanje pritvora zbog sumnje da bi boravkom na slobodi mogli da pobjegnu, utiču na svjedoke i istragu, te zbog uznemirenja javnosti. Za Kurtovića je pritvor zatražen i zbog sumnje da bi mogao da ponovi krivično djelo. Za trećeosumnjčenu su zatražene mjere zabrane. Ona je, kako saznajemo, tokom saslušanja saradivala sa Tužilaštvom, dok su Kurtović i Nargalić negirali umiješanost u djela koja im se stavljaju na teret.

Kurtović, Nargalić i Melisa Š. su uhapšeni zbog sumnje da su počinili krivično djelo organizirani kriminal, u vezi sa krivičnim djelom navođenje na prostituciju i krivičnim djelom pranje novca.

Podsjetimo, osumnjičena trojka se tereti za učešće u organizovanju ili vođenju aktivnosti u vezi sa pružanjem seksualnih usluga na području Kantona Sarajevo i šire, tako što su ostvarivali kontakte sa korisnicima i posredovali u dogovorima za

pružanje seksualnih usluga, a zatim su na dogovoreno mjesto prevozili lica koja su pružala seksualne usluge i dolazili po njih. Kurtović se, navodno, tereti da je bio organizator grupe, te da je za navedene usluge naplaćivao 50 posto od dogovorenog iznosa, čime je stekao znatnu protivpravnu imovinsku korist. U SIPA je, nakon akcije, rečeno da su klijenti najčešće bili strani državljani, osobe turskog i arapskog porijekla, te da je cijena seksualnih usluga bila oko 200 KM.

### Snimani i praćeni

Osumnjičeni su proteklih nekoliko mjeseci praćeni i snimani. Osim njih, Tužilaštvo je, saznajemo, na razgovor privelo još nekoliko osoba, koje su nakon saslušanja puštene na slobodu, ali bi se navodno mogle pojaviti u svojstvu svjedoka.



Osumnjičeni Nargalić i Kurtović su organima gonjenja poznati odranije. **A. B. Č.**



Page: 15


Reach: 0

Country: BOSNIA AND HERZEGOVINA

Size: 356 cm2

2 / 2

---



Osumnjičeni preksinoć privedeni u Tužilaštvo